

穀

梁

大

義

述

皇清經解續編卷千

南菁書院

穀梁大義述十二

丹徒柳興恩賓叔著

述師說

劉逢祿穀梁廢疾申何 敘曰穀梁氏之世系微矣

楊士助云名淑字元

始魯人一名赤受經于子夏鄭氏六藝論云親受子夏應劭風俗通云子夏門人魏康信云與秦孝公同時桓譚新論云左氏傳世遭戰國寢藏後百餘年穀梁赤爲春秋殘略多所遺失謹案穀梁子之受業子夏不可攷名淑名赤蓋如公羊氏家世相傳非一人也其箸竹帛當在孫卿申公之時康信以爲與孝公同時見所引有尸子說也桓譚以事說經其言不足信孫卿書多穀梁說蓋穀梁不傳託王諸例非微言口授故可先著錄也 漢孝武時報邱江公受之魯申公上使與董仲舒議卒用董絀江

漢書董仲舒能持論江公訥于口然後漢何邵公亦訥于

口而能著書傳于今其賢遠矣范甯序云公羊有何嚴之訓注中多采何氏而嚴氏無一存者董何能以胡毋之例正嚴顏之

譌也孝宣以衛太子好穀梁愍其學且廢乃立學官博士東漢之

世傳者絕少

隋經籍志有段肅注十四卷惠棟士棟據班固傳注以爲卽宏農功曹吏殷肅然儒林傳不載又無

治穀

梁者竊嘗以爲春秋微言大義稱論諸子皆得聞之而子游子

思孟子著其綱其不可顯言者屬子夏口授之公羊氏五傳始

著竹帛者也然向微溫城董君齊胡毋生及任城何邵公三君

子同道相繼則禮運中庸孟子所述聖人之志王者之迹或幾

乎息矣穀梁子不傳建五始通三統張三世異內外諸大旨蓋

其始卽夫子所云中人以上不可語上者而其日月之例災變

之說進退予奪之法多有出入固無足怪玩經文存典禮足爲

公羊氏拾遺補闕十不得二三焉其辭同而不推其類焉者又

何足算也兼之經本錯迕俗師埒益起應失指條列乖舛信如

何氏所名廢疾有不可強起者余采擇美善作春秋通義及解

帖箋釋因申何氏廢疾之說難鄭君之所起覃思五日綴成二
卷藩籬未決區蓋不言非敢黨同微明法守世有達士霍然起
之亦有樂焉

述曰黨同伐異之見經生俱所不免穀梁之在東漢學已不
顯何休欲申公羊乃復從而廢疾之鄭康成之起廢疾非與
何氏爲難將以存其學也今公穀二家頌在學宮并無軒輊
武進劉申受乃申何難鄭不過自形其黨伐之私於穀梁何
加損焉況何休注公羊積思十有七年而劉申受止覃思五
日已綴成二卷何其敏也余旣彙鈔取說固亦不得遺之因
條舉件繫於左

天王使宰咺來歸惠公仲子之賵何曰傳例不言來不周事

之用也宰咺何以言來釋曰平王新有幽王之亂遷于成周欲崇禮於諸侯原情免之若無事而晚者去來以譏之榮叔

是也

雜記疏

劉難曰據太史公書平王卽位至此已四十有九年不得云新有幽王之亂原情免之且秦人來歸僖公成風之穉在成風薨後五年亦言來傳例與公羊正相反鄭君曲爲之解非也

述曰凡王使無有不言來者如宰咺來歸贈叔服來會葬毛伯來會葬等是言來乃傳例也唯榮叔之歸贈以早而含已晚故去來以譏之何休乃以不言來爲傳例試思除榮叔以外無有不言來者何例之有邵公之說已舛劉氏又從爲之

詞非也

仲子者何惠公之母寧公之妾也 何据公羊以爲仲子桓之

母釋曰若仲子是桓公之母桓未爲君則惠公之妾天王何

以贈之則惠公之母亦爲仲子也

穀梁隱元年疏

劉申何曰隱爲桓立故以桓母之喪赴于王春秋因之以成

公意爾

義與箋異箋爲正

述曰穀梁云禮贈人之母則可贈人之妾則不可詞簡而嚴

已明明壓倒左氏公羊二傳故鄭本之以拒何卽劉之何氏

解詁箋亦不得不曰穀梁得之也

大夫日卒正也不日卒惡也 何曰公羊以爲日與不日爲遠

近異若穀梁云惡而不日則公子牙及季孫意如何以書日

釋曰公子牙莊公弟不書弟則惡明也故不假去日季孫意如則定公所不惡故亦書日

同上

難曰春秋之義遠則殺其恩惡則略其恩何氏之例詳而不亂如無駭之不日有疾始滅之文叔孫得臣之不日有與聞乎故之文

文十八年公子遂叔孫得臣如齊不舉重是也見箋

春秋不以疑辭眩人而

愛有差等故張三世之義公羊獨得之公子牙之爲莊公弟

固也然經無起文也

見箋莊公篇

意如爲定所不惡似矣仲遂之

貶得臣之不日豈宣所惡與益師爲隱所惡又何說乎春秋以時君之美惡爲美惡何以理嫌疑明是非乎

述曰內大夫之卒舊史自皆書日孔子之寓褒貶先於益師無佞及俠等削之穀梁爲發日卒正也不日卒惡也之例而

公子牙仲遂季孫意如等之不宜日卒不待削而自見此屬
辭比事所以爲春秋之教也後儒以不削意如之日爲孔子
咎孔子受之矣知斷不以存丙申之日爲季孫意如之美也
則意如之惡已自著於百世也

苞人民殿牛馬曰侵斲樹木壞宮室曰伐 何曰廢焚孔子曰
傷人乎不問馬今穀梁以苞人民爲輕斲樹木壞宮室爲重
是埋道之不通也釋曰苞人民殿牛馬兵去可以歸還其爲
害輕壞宮室斲樹木則樹木斷不復生宮室壞不自成爲毒
害更重也

隱五年
歲

華曰傳釋侵伐之例不及公羊爲長苞人民殿牛馬斲樹木
壞宮室侵伐入同有之不當以分輕重也

述曰鄭氏所釋輕重已極分明若入則惡又重於伐矣伐則重於侵侵則輕於伐與公羊精曰伐例曰侵之例又何異邪

隱公篇

春曰田夏曰苗秋曰蒐冬曰狩 何曰遍斗極云夏不田穀梁有夏田于義爲短釋曰四時皆田夏殷之禮詩云之子于苗遷徙鬱鬱夏田明矣孔子雖有聖德不敢顯然改先王之法以教授于世若其所欲改具陰書于緯藏之以傳後王穀梁四時田近孔子故也公羊正當六國之亡讖緯見讀而傳爲三時田作傳有先後雖異不足以斷穀梁也王制曰歲三田謂以三事爲田卽上一曰乾豆之等是也

王制疏

難曰鄭于王制注云歲三田者夏不田蓋夏時也穀梁後于

公羊徒据經文公羊得之口授非六國時見識緯而作也漢
初公羊盛行故王制据以爲三田以爲夏時則無據夏殷之
禮當爲成周之禮三事田則自亂其例矣易述田事凡六爻
以卦氣言之解二月春田也巽八月秋田也大畜秋分前五
日曰日閑輿衛言治兵也師比四月夏田也離初九主夏至
以後無田冬夏至陰陽之微易重氣始義當安養屯十一月
戒從禽也然則春秋夏不田冬狩改于孟冬皆述殷制與夏
時周易微有損益若周官六國時書固不合也

述曰四時皆田不獨周禮左氏亦然劉謂周官六國時書左
氏亦不足據耶車攻周宣王詩可謂之子于苗非夏田耶

其不地于紀也 何曰在紀何爲不地釋曰紀當爲已謂在魯

也字之誤耳得在龍門城下之戰迫近故不地

桓十三年集解

難曰鄭以公羊義改紀爲己不知傳意如此當云于內不云于己于己爲不辭也

述曰于內更不辭龍門之戰出春秋說亦不足信今案傳文紀字不必改也是時齊已謀紀敗績之兵齊爲主與戰之兵紀爲主經書會紀侯則戰紀已明故傳申明之請爲之引其例莊二十有八年春王三月甲寅齊人伐衛衛人及齊人戰衛人敗績傳於伐與戰安戰也戰衛是其例也經書伐衛則戰衛亦明故傳申明之也何云在紀何爲不地然則在衛亦何爲不地乎又桓六年蔡人殺陳佗傳云其不地於蔡也亦其例也

桓公篇

不言滅而曰大去其國者不使小人加乎君子何曰春秋楚世子商臣弑其君其後滅江六不言大去又大去者于齊滅之不明但知不使小人加乎君子而不言滅縱失襄公之惡反爲大失也釋曰商臣弑其父大惡也不得但爲小人江六之君又無紀侯得民之賢不得變滅言大去也元年冬齊師遷紀三年紀季以酈入于齊今紀侯大去其國亦足起齊滅之矣卽以變滅言大去爲縱失襄公之惡是乃經也非傳也且春秋因事見義舍此以滅人爲罪者自多矣

莊四年集解

難曰論語曰興滅國公羊傳曰滅者亡國之善辭也上下之同力者也故晉人執虞公經不與滅梁亡沈潰皆不得言滅

誠以滅人者當坐專取王封之罪而爲所滅者以死社稷爲正以出奔爲罪而書滅則皆忘其當興也變滅言大去者爲復讐張義明但當逐之不得殺之滅之云爾若以齊侯爲小人則安得諱其滅人之罪而反與爲禮大書齊侯葬紀伯姬乎紀侯得民之賢亦望文爲義非事實也若果民畢從之如大王遷岐當書紀侯遷于某以存之矣鄭以縱失大惡委之于經則何取于傳乎

述曰就如劉言爲復讐張義明但當逐之不得殺之滅之則變滅言去其國足矣曷爲大之書大去者經以紀侯之得民而特筆之也且大在紀侯則小在齊侯矣傳之望文爲義確不可易

王人卑者也稱名貴之也 何以爲稱子則非名也釋曰王人

賤者錄則名可今以其銜命救衛故貴之貴之則子突爲字

可知矣此名當爲字誤爾

莊六年集解

難曰定十五年傳曰其辭石尙士也天子之大夫不名稱字則當如祭伯祭叔凡伯家父南季伯糾之屬此實王子突也傳不解爲王諱微弱故不言使反加王人使子突繫之而仍書月以起之之意僅以善救衛爲義致淺陋耳稱名稱字胥失之

述曰公羊傳云王人者何微者也子突者何貴也貴則其稱人何繫諸人也曷爲繫諸人王人耳據公羊之意但以子突稱字爲貴耳若何休之說以突爲王子則春秋書王子虎王

子瑕皆稱名則突是名非字何注已顯與經傳背矣劉向據其說以難穀梁不亦俱乎何以爲稱子則非名豈知突如爲王子則又是名非字乎試於王子虎王子瑕之中橫加一人字猶成詞乎

當可納而不納齊變而後伐故乾時之戰不諱敗惡內也何曰三年溺會齊師伐衛故貶而名之四年公及齊人狩于郕故卑之曰人今親納讐子反惡其晚恩義相違莫此之甚釋曰于讐不復則恕不釋屢會仇讐一貶其臣一卑其君亦足以責魯臣子其餘則同不復譏也至于伐齊納糾譏當可納而不納耳此自正義不相反也

莊九年
集解

難曰譏可納不納當文自見以不諱敗爲惡內非也敗非大

惡爲王者伸義養威故諱之至于復讐以死敗爲榮特不諱
以起義人果不量強弱萬死不顧一生而不義於人者懼矣
乾時之戰正賁公無復讐之心而在下僅能以爲名耳反以
爲惡內于義短矣

述曰敗非大惡爲王者伸義養威故諱之是仍襲何休黜周
主魯謬說不足辨也若不量強弱萬死不顧一生此匹夫復
讐之說也忽而王魯忽而匹夫待讐進退惟心一至於此

不言日不言朔夜食也 何曰春秋不言月食日者以其無形
故闕疑其夜食何緣書乎鄭釋之曰一日一夜合爲一日今
朔日日始出其食有虧傷之處未復故知此自以夜食夜食
則亦屬前月之晦故穀梁子不以爲疑

莊十八
年集解

難曰果虧傷未復卽是朝食何爲夜乎天之垂象必明以吉
凶示人故夜不占日猶晝不占星也夜食之說于義爲短
遷曰說見述例日食篇後代歷法實有夜食者劉氏亦將以
不占之說闢之乎鄭云夜食則亦屬前月之晦亦字誤當作
不蓋既不得爲此月朔日又不得屬前月之晦故穀梁特於
食晦日食二日外立夜食之例而經不言日不言朔之義始
明斯爲善於經也

其不言使何也天子之內臣也不正其外交故不與使也何
曰南季宰渠伯糾家父宰周公來聘皆稱使獨于此奪之何
也釋曰諸稱使者是奉王命其人無自來之意今祭叔不一
心于王而欲外交不得王命來故去使以見之

莊二十三
年集解

難曰如譏祭叔當如祭伯并絕去聘文于本傳例方合非也此不稱使絕莊公淫取讐女于三年喪內比之我無君之例穀梁傳高子以爲不以齊侯使高子傳屈完以爲權在屈完皆非也

述曰穀梁于使綰子來朝云朝不言使而聘則例言使故祭伯之外交經去朝文祭叔之外交經去使文傳例竝無不合之處劉氏未能盡通其例乃謂并宜絕去聘文不亦謬乎

秋七月癸巳公子牙卒 何曰傳例大夫不曰卒惡也牙與慶父共淫哀姜謀殺子般而曰卒何也釋曰牙莊公母弟不言弟其惡已見不待去日矣

莊三十三
年集解

釋曰牙之爲母弟經無起文

見義

穀梁不傳張三世諸例所謂

春秋之失亂矣

述曰牙莊公母弟亦鄭君權詞牙不去日與季孫意如義同其說見前

莊公篇

桓盟不日此何以日美之也 何曰卽日爲美其不日皆爲惡也桓公之盟不日皆爲惡邪莊十三年柯之盟不日爲信至此日以爲美義相反也釋曰柯之盟不日固始信之自其後盟以不日爲平文從陽穀以來至此葵邱之盟皆令諸侯以天子之禁桓德極而將衰故備日以美之自此不復盟矣

年集解

難曰以不日爲信又以日爲美不幾於亂乎春秋美人之功

不于其方盛而于其將衰者未之聞也且扈之盟書甲寅者亦將以爲美乎

述曰扈之盟書甲寅穀梁無傳以今推之蓋仍從內盟之例書日耳至桓盟之例方盛則不日將衰則日之傳云美之者言其極盛也 桓盟不日信在諸侯其與魯特相盟者扈與柯耳本俱從內盟例日因柯爲桓盟起例故傳曰桓盟雖內與不日信也見盟柯之本宜日也知盟柯之本宜日則無疑于盟扈之書日矣

霽月正也霽得雨曰霽不得雨曰旱 何曰公羊書霽者善人君應變求索不霽則言旱旱而不害物言不雨也就如穀梁設本不霽何以明之如以不雨明之設旱而不害物何以別

乎釋曰雩者夏祈穀實之禮也旱亦用焉得雨書雩明雩有
益不得雨書旱明旱成後得雨無及也國君而遭旱雖有
不憂民事者何乃廢禮本不雩禱哉願不能致精誠也旱而
不害物故以久不雨別之文二年十三年自十有二月自正
月不雨至于秋七月是也穀梁傳曰歷時而言不雨文不閔
雨也以文不憂雨故不如僖時書不雨文所以不閔雨者素
無志于民性退弱而不明又見時久不雨而無災耳僖十一年集解
難曰旱不害物不待久也太平之時一月不雨卽爲異莊之
冬不雨未嘗歷時僖之正月四月未嘗踰月也天之譴告人
君有淺深旱則示災不雨則示異異大乎災君之感應天變
有本末本則修政末則雪禱舍本修末非所以應天也修本

以顯異修末以禳災警譬以志其應變之末也書旱以譏其
事天之怠也皆門民也書不雨以示人君之察天意也穀梁
子失其傳矣

述曰穀梁於僖曰閔雨者有志乎民也於文曰不憂雨者無
志乎民也法戒之義已顯此爲言簡義該何氏注公羊多設
條例亦不過顯法戒之義耳義豈有更大於法戒者

其曰諸侯散辭也聚而曰散何也諸侯城有散辭也桓德衰矣
何曰案先是盟亦言諸侯非散也又穀梁美九年諸侯盟
于葵邱卽散何以美之耶于義穀梁爲短釋曰九年公會宰
周公齊侯宋子衛侯鄭伯許男曹伯于葵邱九月戊辰盟于
葵邱時諸侯初在會未有歸者故可以不序今此十三年夏

公會齊侯宋公陳侯衛侯鄭伯許男曹伯于鹹而冬公子友如齊此聘也書聘則會固前已歸矣今云諸侯城緣陵而不序其人明其散桓德衰矣葵邱之事安得以難此

僖十四年集解

難曰桓德之衰實始于葵邱此存杞諸侯所樂故以散而復聚之辭言之不言諸侯則無以知爲會鹹諸侯猶城邢必復言師也

楚邱桓公獨城故不序諸侯

不序以明其散失之

述曰桓德既衰而諸侯樂城杞子何見之鄭君以季孫聘齊證諸侯之散劉亦無以易也

戰不言伐客不言及言及惡宋也何曰戰言及者所以別客

主直不直也故文十三年晉人秦人戰于河曲兩不直故不云及今宋言及明直在宋非所以惡宋也卽言及爲惡是河

曲之戰爲兩善乎又穀梁以河曲不言及也略之也則自相反矣釋曰及者別異客主耳不施於直與不直也直不直自在事而已義兵則客直宣十二年夏晉荀林父帥師及楚子戰于邲晉師敗績是也兵不義則主人直莊二十八年春衛人及齊人戰衛人敗績是也今齊桓卒未葬宋襄欲舉霸事而伐喪于義尤反故反其文以宋及齊卽實以宋及齊明直在宋邲之戰直在楚不以楚及晉何邪秦晉戰于河曲不言及疾其亟戰爭舉兵故略其先後

傳十八年集解

難曰邲之戰晉楚皆客也卽楚獨爲客亦不當以楚及晉內外之辨也故變例以大夫敵君起之凡書及皆與爲主辭以客爲主則宋襄直矣伐齊以定亂于喪無薄也春秋以嫌于

伐喪故變文以起之惡宋之說于義反矣

述曰宋伐齊爲定亂則經書師救齊爲助亂耶公羊師救齊無傳而何注於狄救齊又善之救者爲善則伐者惡矣

狄其稱人何也善果而後進之伐衛所以救齊也 何曰卽伐衛救齊當兩舉如伐楚救江矣又傳以爲江遠楚近故伐楚救江今狄亦近衛而遠齊其事一也義異何也于義殺梁爲短釋曰文三年冬晉陽處父帥師伐楚救江兩舉之者以晉未有救江文故明言之今此春宋公曹伯衛人邾人伐齊夏狄救齊冬邢人狄人伐衛其爲救齊可知故省文耳事同義又何異 同上

難曰狄救齊後未聞衛又伐齊也何救之有卽伐衛以救齊

是爲諉也伐楚救江無救乎誠故致其意而責之豈曰功近德遠乎以此進狄稱人是開趨易避難之路非春秋貴誠之道矣

述曰傳但云伐衛亦以救齊也易所字爲亦字則曉曉者可息喙矣又邢人狄人伐衛公羊無傳何注云狄稱人者善能救齊徐疏云謂其上能救齊是以於此進之不謂此時伐衛爲救齊也夫置現在伐衛之曲直不論但以前之救齊而善故稱人春秋有是例乎何注之故爲迂曲大率類此此漢書儒林傳所謂非其本義者也

不言楚不與楚專釋也何曰春秋以執之爲罪不以釋之爲罪責楚子專釋非其理也公羊以爲公會諸侯釋之故不復

出楚耳釋曰不與楚專釋者非以責之也傳云外釋不志此其志何也以公之與之盟日之也言公與諸侯盟而釋宋公公有功焉與公羊義無違錯

信二十一
年集解

難曰如鄭君說傳當云不言楚歸功于諸侯也

述曰不與楚專釋亦以甚其專執之罪也較公羊說尤爲大義凜然何氏乃曰春秋以執之爲罪不以釋之爲罪豈知春秋之旨者哉鄭君之說姑就其詞釋之云爾

則眾敗而身傷焉何曰卽宋公身傷當言公不當言師成十六年楚子敗績是也又成十六年傳曰不言師君重于師也卽成十六年是二十二年虛言也卽二十二年是十六年非也釋曰傳說楚子敗績曰四體偏斷此則目也此言君之目

與手足有破斷者乃爲敗矣今宋襄身傷耳僅持鼓軍事無所害而師猶敗故不言宋公敗績也傳所以言則眾敗而身傷焉疾其信而不道以取大辱

信二十二
年集解

難曰傳言身傷而致死則視傷目尤重矣讓其取辱何得言師不言公平春秋責偏戰惡詐戰以爲彼善於此者正以其信耳詐而勝不若信而敗也以詐爲道異哉所聞

述曰左氏傳云公傷股并在四體偏斷之列則非穀梁一人之創說可知爲當日實事如曰春秋爲之諱故不書宋公敗績不思成十六年楚子鄭師敗績下有鄭師足包楚師故特書楚子而穀梁曰君重于師也今此若沒師文但書宋公敗績則疑於民未敗而君獲與失民之晉侯等轉失當日師敗

事實何得以楚子之敗相難也

不葬何也失民也其失民何也以其不教民戰是棄其師也

何曰所謂教民戰者習之也春秋貴偏戰而惡詐戰宋襄公所以敗于泓者守禮偏戰也非不教其民也孔子曰君子去仁惡乎成名造次必於是顛沛必於是未有守正以敗而惡之公羊以爲不書葬爲襄公諱背殯出會所以美其有承齊相尊周室之美志釋曰教民習戰而不用是亦不教也詐戰謂不期也既期矣當觀敵爲策倍則攻敵則戰少則守今宋襄公于泓之戰違之又不用其臣之謀而敗故徒善不用賢良不足以興霸主之功徒言不知權譎之謀不足以交鄰國會遠疆故易譏鼎折足詩刺不用良此說善也

僖二十三
年集解

難曰期地必不于水也期時必不于半渡也以水厄人未陳而擊交鄰而尙權譎戰國之所謂賢良非春秋之所貴也以敗績而去葬則敗而書葬者多矣不敗而不書葬者亦多矣豈君子辭乎

邁曰不敗而不書葬者必有去葬之由傳例春秋之不葬有三非一端也敗而書葬者其敗或出于不得已非雪見執之恥而又自陷于敗者也

其不稱名姓以其在祖之位尊之也何曰曹殺其大夫亦不稱名姓豈可復以爲祖乎釋曰宋之大夫盡名姓禮公族有罪刑于甸師不與國人慮兄弟也所以尊異之孔子之祖孔父累于宋殤而死今骨肉在其位而見殺故尊之隱而不忍

稱名氏若罪大者名之而已使若異姓然此乃祖之疏也曹
殺其大夫自以無大夫不稱名氏耳春秋辭同事異者甚多
隱去卽位以見讓莊去卽位爲繼弒是復可以此例非之乎
倍二十五
年集解

難曰宋之大夫未必孔父之後且春秋非孔子家乘公族致
刑之義託公子牙卒見之司城來奔復何所隱而不忍稱名
氏乎稱名氏使若異姓緣飾宋殺山之文言之非經誼也

述曰桓二年經書孔父傳曰字謚也其不名傳曰孔子故宋
也劉亦將曰春秋非孔子家乘乎何注公羊曰賢者不名故
孔父稱字夫仇牧荀息皆賢者何以不稱字乎

說見經師
梅福傳

蓋納頓子者陳也 何曰休以爲卽陳納之當舉陳何以不言

陳釋曰納頓子固宜爲楚也穀梁子見經云楚人圍陳納頓

子于頓有似晉陽處父伐楚救江之文故云蓋陳也

同上
年疏

難曰陳納之卽不舉陳當加陳人執頓子等文以起之救江亦晉非楚引之欲以何明也

述曰楚之圍陳使納頓子也此等無關大義噫噫置辨徒詞費耳

楚人者楚子也其曰人何也人楚子所以人諸侯也何曰哀

元年楚子陳侯隨侯許男圍蔡不稱人明不以此故也釋曰

時晉文爲賢伯故譏諸侯不從而信夷狄也哀元年時無賢

伯又何所據而當貶之耶

傳二十七
年集解

難曰晉文伯業未顯何以責諸侯江熙從公羊解近之

述曰傳云不正其信夷狄而伐中國大義原自凜然何休乃引哀元年楚強之例難之是又與於信夷狄之甚者也

以尊遯乎卑此言不敢叛京師也何曰大夫無遯事按襄十

二年季孫宿救台遂入鄆惡季孫不受命而入也如公子遂

受命如晉不當言遂釋曰遂固受命如京師如晉不專受命

如周經近上言天王使宰周公來聘故公子遂報焉因聘于

晉尊周不敢使竝命使若公子遂自往然卽云公子遂如京

師如晉是同周于諸侯叛而不尊天子也公羊傳有美惡不

嫌同辭何獨不廣之于此乎

傳三十
年集解

難曰文八年公子遂會晉會戎四日之間不能再出而兩書

公子遂以後之奉命正前之專命故加日以表之春秋非爲

尊周而作故朝聘俱言如與諸侯同文豈得云叛乎大夫無
遂事故公子遂遂卒弑子赤季孫宿遂卒逐昭公見微知著
爲萬世戒也穀梁不傳斯義動成燕說鄭氏從而爲之辭夫
子曰惡佞恐其亂義也惡利口恐其亂信也殆不免矣
述曰不叛京師尊王之義莫大于此乃劉曰春秋非爲尊周
而作良由黜周王魯謬說牢不可破故也悲夫

僖公篇

外災不志此何以志也曰災甚也其甚奈何茅茨盡矣何曰
蟲猶眾也死而墜者眾象宋羣臣相殘害也蓋由三世內娶
貴近妃族禍自上下故異之云爾今穀梁直云茅茨盡矣著
于上見于下謂之兩與識連是爲短釋曰穀梁意亦以爲宋

德薄後將有禍故螽飛在上墜地而死言茅茨盡者著甚之

驗於讖何錯之有乎

文三
年疏

難曰穀梁不傳三統之例譬猶瞽之無相夜之無燭矣鄭君

文之奚益哉

述曰何休以讖爭劉逢祿又以三統之例爭要皆非公羊所
有之本義也

含一事也贈一事也兼歸之非正也其曰且志兼也其不言來

不周事之用也 何據隱元年公羊傳其言來何不及事也

以爲禮尊不含卑不言來者本不當含故不責其晚于議穀

梁爲短釋曰天子于二王後之喪含爲先禭次之贈次之作

疑則次之於諸侯含之贈之小君亦如之於諸侯之臣禭之

順之則諸侯相施

一作於

如天子於二王之後於卿大夫如天

子于諸侯于士如天子于諸侯之臣京師去魯千里王室無

事三月乃舍故不言來以譏之

文五年

難曰京師去魯千里卽不三月而含禮固不及事矣二王之

禮以意約之

述曰傳云不周事之用也用或作辭

見范注

贈以早而舍已晚

已之爲言太甚也俱爲不周事之辭言于事均不到也今乃

泥定用字併改周爲及以相難固殺梁所不受也

司馬官也其以官稱無君之辭也何曰近上七年宋公壬臣

卒宋人殺其大夫不言官今此在三年中言官義相違鄭曰

七年殺其大夫此實無君也今殺其司馬無人君之德耳司

馬司城君之爪牙守國之臣乃殺其司馬奔其司城無道之

甚故稱官以見輕慢也

文八年
集解

難曰君專殺大夫無德當文自見且宜稱國以殺不待以官稱也如傳例以爲有罪則禮云大夫強而君殺之義也安得云殺爪牙之臣無道之甚乎君之卿佐皆爲股肱豈不爲司馬司城而誅之而逐之乃得爲義乎

述曰范云傳例稱人以殺殺有罪也此說非也當從人者微之之例蓋書司馬爲變例則書人亦爲變例凡以見其爲無君之詞耳

秦人來歸僖公成風之襚何曰五年傳曰不言來不周事之用也四年夫人風氏薨九年秦人來歸僖公成風之襚最晚

矣何以言來釋曰蔡自敗于般之後與晉爲仇兵無休時乃如免繆公之喪而來君子原情不責也

文五年集解

難曰四年風氏薨後秦晉未聞交兵也且因黷武而廢禮其可譏尤甚安得原情不責乎

述曰傳云蔡人弗夫人也卽外之弗夫人而見正焉因可以見正故用季子來歸之例嘉之而言來鄭君之說亦權詞也

文公篇

以三軍敵華元華元雖獲不病矣何曰書獲皆生獲如欲不病華元當有變文釋曰將帥見獲師敗可知不當復書師敗續此兩書之者明宋師懼華元見獲皆竭力以救之無奈不勝敵耳華元有賢行得眾如是雖師敗身獲適明其美不傷

賢行今兩書敗獲非變文而何

宣二年集解

難曰公羊例大夫生死皆曰獲華元復見知其不死緩也將獲不言師敗績非春秋師將並重之例證以經文無所據也夫子云我戰則克惡賁軍之將與亡國之大夫及與爲人後者同豈去有賢行得眾乎

述曰劉氏之說徒以成敗論人殺梁之例凡書獲皆不與之詞也鄭君之說亦屬權詞信之十有五年晉侯及秦伯戰于韓獲晉侯傳曰韓之戰晉侯失民矣以其民未敗而君獲也則鄭云將帥見獲師敗可知殊失殺梁之旨

氏者舉族而出之之辭也何曰氏者譏世卿也卽稱氏爲舉族而出尹氏卒宣可復以爲舉族死乎釋曰云舉族死是何

妖閭甚乎舉族而出之之辭者固譏世卿也崔杼以世卿專
權齊人惡其族令出奔歸不欲其身反又不欲國立其宗後
故孔子順而書之曰崔氏出奔衛若其舉族盡去之爾
宣五年集解

難曰傳無譏世卿之義鄭爲飾之非遁辭乎又以爲順齊人
而書之豈筆削之義乎且如鄭說後又安得有崔杼乎易下
繫辨六子之辭獨以艮人爲吉何君一語真乃解頤鄭不兼
五子之病乎

述曰唯不立其宗後故崔杼又得復歸經不書復歸者因弑
君削之

宣公篇

不伐喪善之也善之則何為未舉也君不尸小事臣不專大名
士句外專君命故非之也 何曰君子不求備于一人士句
不伐喪純善矣何以復責其專大功也釋曰士句不伐喪則
善矣然于善則稱君之義仍未備故言乃還不言乃復作未
畢之辭還者致辭復者反命 襄十九年歲
難曰士句不伐喪而還若以承君命者然其為善則稱君不
益善乎若使歸命乎介則處其君於非禮而專大名矣傳之
所去不已俱乎

述曰反命于介介歸告君得命而復固為善則歸君即君仍
命往伐亦不為處其君于非禮劉氏之說誣矣

專之去合專春秋 何曰甯喜本弑君之家獻公過而殺之小

負也專以君之小負自絕非大義也何以合乎春秋釋曰甯
喜雖弑君之家本專與約納獻公爾公由喜得入已與喜以
君臣從事矣春秋撥亂重盟約今獻公背之而殺忠於己者
是獻公惡而難親也獻公既惡而難親專又與喜爲黨懼禍
將及君子見幾而作不俟終日微子去紂孔子以爲三仁專
之去衛其心若此合于春秋不亦宜乎

襄二十七年集解

難曰甯喜之殺不去大夫與里克同文惡獻公之盜國非惡
其背約也專于獻之未出既不能維持其君臣及其入也又
與喜約共弑剽至喜見殺乃徒執其硜硜之信以暴君兄之
過經書出奔以爲是喜之黨而已矣詩曰君子履盟亂是用
長穀梁子亦云盟詛不及三王春秋繼三王以撥亂豈其重

盟約乎既云專爲喜黨又以微子去紂例之儼人不倫莫此爲甚

述曰專爲喜之徒春秋本不盡與之特其去見幾故經書衛侯之弟穀梁以爲織紉邯鄲終身不言衛左氏亦以爲或勸之仕專曰是昭吾所以出也豈有意暴君兄之過乎

其不日子尊父政是謂夷之 何曰蔡世子班弑其君固不日謂之夷楚世子商臣弑其君何以反書曰耶釋曰商臣弑父日之嫌夷狄無禮罪輕也今蔡中國而又弑父故不日之若夷狄不足責然公羊有若不疾乃疾之推以況此則無怪然襄三十
年疏

難曰若夷蔡班不夷許止當日蔡弑與日楚弑同文而異許

不日今與蔡于楚以明內外之辨反同許于楚以明文實之
例何君明辨哲矣傳略弑父之爲夷而僅以不日夷其奪政
至許買之日弑則以爲正卒于例亂矣

述曰許買旣非見弑則其卒自止今劉云反同許于楚以明
文實之例夫衛弑其君完亦書戊申豈同衛于楚以明文實
之例耶何謂明辯以哲也

襄公篇

此子也其曰世子何也不與楚殺也 何曰卽不與楚殺當貶
楚爾何故反貶蔡世子耶鄭君釋之曰滅蔡者楚子也而稱
師固已貶矣楚子思啟封疆而貪蔡誘殺蔡侯般冬而滅蔡
殺友惡其淫放其志殺蔡國二君以取其國故變子言世子

使君不得其君終

昭十一年集解

難曰君薨稱世子明友之不當立與衛蒯聩同文與鄭忽異文公羊傳之信矣若僅貶楚殺蔡二君則稱子不更著邪若以子友疑於子哀則書蔡子而去其名可也使君不得其君終于義爲短于文爲悖

述曰終者衍字使君不得其君者言楚不得執蔡君但得其世子云爾于文亦何悖乎

其曰晉狄之也其狄之何也不正其與夷狄交伐中國故狄稱之也何曰春秋多與夷狄並伐何以不狄也釋曰晉不見因會以綏諸夏而伐同姓貶之可也狄之太重晉爲厭憚之會實謀救蔡以八國之師而不救楚終滅蔡今又伐徐晉不

糾合諸侯以遂前志舍而伐鮮虞是楚而不如也故狄稱之

焉昭十二年集解

難曰狄之所以貶之也若僅貶之以起文則辭費矣鄭取董

何之義以增飾傳文安足以起疾乎

述曰準善累而後進之之例則狄之固不僅以伐鮮虞矣蓋

前此矣

昭公篇

墮猶取也何君難云當言取不言墮墮實壞耳無取之訓詁

鄭君釋云陪臣專強違背公室恃城爲固是以叔孫墮其城

若新得之故云墮猶取也墮非訓取言今但毀其城則邱亦

屬己若更取於他然

按此條當是釋廢疾文諸本皆誤作范注據足十二年楊疏錄之

難曰夫子辨家邑之制爲此墜也若叔孫討陪臣安得書于春秋

述曰夫子辨家邑之制亦因叔孫季孫之討陪臣方得書于春秋觀下經成之用國以孟氏家臣弗叛孟孫故也

定公篇

陽生其以國氏何也取國于荼也 何曰卽不使陽生以荼爲君不當去公子見當國也又穀梁以爲國氏者取國于荼齊小白又不取國于子糾無乃近自相反乎釋曰陽生篡國故不言公子不使君荼謂書陳乞弑君爾荼與小白其事相似荼弑乃後立小白立乃後弑雖然俱篡國而受國焉爾傳曰齊小白入于齊惡之也陽生其以國氏何取國于荼也義適

互相足又何自反乎子糾宜立而小白篡之非受國于子糾

則將誰乎

哀六年集解

韋曰荼之不正以不日明之與晉卓子同例荼之弑實陳乞主之故與晉里克同例經曰其君傳曰陳乞之君非陽生之君不亦亂于義乎然則楚棄疾不以國氏比又不稱其君且得爲誅亂辭乎商人取國于舍又何爲不以國氏乎

述曰陽生出奔自與小白同例劉就荼引例故多歧說

哀公篇

附

辛巳有事于太廟 釋曰宣八年六月有事于太廟禘而云有事者雖爲卿佐卒張本而書有事其實當時有用七月而禘

因宣公六月而禘得體故變文言有事春秋因事變文見其

得正也禮記雜記疏引案今穀梁本當無佚文此釋于義無攷姑存之

述曰此當入宣公篇劉因何休原文無考故附于後

雩不月而時非之也冬無爲雩也 釋曰去冬及春夏案春秋

說考異郵三時惟有禘禮無雩祭之事唯四月龍星見始雩

常雩耳故其禱請山川辭云方今天旱野無生稼寡人當死

百姓何依不敢煩民請命願撫萬民以身塞無狀穀梁成七年疏引案

文義不類姑存之

述曰說見上宣公篇

釋曰雖庶人葬爲雨止王制疏引

述曰此當在宣八年葬我小君頃熊下

釋曰春秋凡書二十四旱考異郵說云分爲四部各有義焉月令

述曰孔巽軒曰經凡二十六旱大雩十九大旱二不雨二歷時不雨加月文者三是爲四部也

鄭釋廢疾補誼 穀梁春秋桓公八年祭公來遂逆王后于紀范甯注春秋左氏說曰王者至尊無敵無親迎之禮祭公逆王后未致京師而稱后知天子不行而禮成也鄭君釋之曰太姒之家在洽之陽在渭之渙文王親迎于渭卽天子親迎之明文矣天子雖尊其于后猶夫婦夫婦配合事同一體所謂無敵豈爲此哉禮記哀公問曰冕而親迎不已重乎孔子愀然作色而對曰合二姓之好以繼先聖之後以爲宗廟社

三才圖會卷之五
三
稷之主君何謂已重焉此言親迎繼先聖之後爲天地宗廟
社稷之主非天子則誰乎

述曰番禺侯康字君謨著穀梁禮證以此文爲駁五經異義
而作然玩范注楊疏兩釋字知爲釋廢疾之文不但駁異義
之文也

皇清經解續編卷千終

江陰馬銘校
丹徒陳慶年

皇清經解續編卷千一

南菁書院

穀梁大義述十三

丹徒柳興恩資叔著

述師說

劉逢祿穀梁廢疾申何讓桓正乎曰不正隱不正而成之何也將以惡桓也其惡桓何也隱將讓而桓弑之則桓惡矣桓弑而隱讓則隱善矣申曰春秋不書公即位非爲論隱桓爭讓而作隱本不正讓桓爲正以禮決之不在長幼也注破范桓之弑逆大惡不藉成隱而見如以爲將讓而弑之方爲大惡則傳意以隱不讓爲正而桓弑之其惡反得從末減乎述曰傳云讓桓正乎曰不正斷制謹嚴春秋所以始於隱之元年也隱讓而桓弑之乃愈見桓之惡劉說不足辨也

先君之欲與桓非正也邪也雖然既勝其邪心以與隱矣己探
先君之邪志而遂以與桓則是成父之惡也 申曰春秋亦
不爲惠公之與桓爲正爲邪而作穀梁子探文周內斷隱爲
成父之惡豈王者奉元弟一義乎

述曰春秋託始于隱義卽見此公羊傳說以爲王者奉元試
問前乎隱後乎隱何君無元何元不可奉而必託始于隱何
也乃劉仍以爲弟一義不亦愚乎

其不言邾子何也邾之上古微未爵命于周也 申曰邾子周

爲子爵後失在名例聖人退之以明漸進之法絀之以明黨

惡之誅

桓十五年
來朝稱人

復之以明褒功之典

桓十七年
復稱侯父

進之以明

尊主之義

莊十六年邾子克以
附齊桓朝則書子

述曰其實邾至莊十六年始進稱子前此書邾儀父又書邾人皆未爵命之故也劉一則曰退之繼之再則曰復之進之徒費僞張之說耳

不日其盟淪也 申曰日盟爲信齊桓之盟不日何以傳爲信其信乎不日爲淪戎亦背隱從桓唐之盟何爲書庚辰乎

述曰桓盟不日春秋創例也至以背隱從桓坐戎之罪乃爲深文周內耳不足以服戎乃欲以開穀梁乎

宿邑名也 申曰以國爲邑大誤正以宿在同盟後爲宋人所遷故預于隱八年變例書卒加日滕侯常例不名不葬以明慕化之輕重云

述曰以宿爲國公羊并無明文何注欲起隱八年王魯謬說

見宿男卒注

故以此宿爲國劉乃從而和之豈非沿謠襲謬者乎

來者來朝也其弗謂朝何也襄內諸侯非有天子之命不得出會諸侯不正其外交故弗與朝也 申曰朝無銜命之禮如譏祭伯爲貳至尊當著其朝而變文以起之去月加日加壬申例可也傳以祭叔亦不奉命何不去其聘乎

述曰唯朝不言使故去其朝文聘例言使故但去使文不待去聘也公羊以爲來奔義亦通但不得以非穀梁也

向我邑也 申曰取邑不言入也春秋彊王義不以難避我國外取我邑非有故皆諱之向果我邑當書莒人伐我西鄙圍向

述曰不以難避我國本梁義但春秋彊王終嫌襲何休謬

說耳春秋諱敗但言戰然不言外敗則內敗可知今劉氏改書伐我西鄙圖向無論向不在鄙已屬失實且但言圖則入之實沒而不見矣不更失實乎豈深於春秋者乎

苟焉以入人爲志者人亦入之矣 申曰即使向爲我邑春秋志報亂當先書入極後書入向

述曰入極雖在後而入極之志則在先此春秋誅意之法也不稱氏氏謂公子非謂展楊士助爲左氏所感失傳意矣者滅同姓貶也 申曰極果

同姓當如滅盛之例書之重辭之復矣

述曰文十二年鄭伯來奔公羊以爲盛伯莊八年師及齊師圍鄭鄭降于齊師公羊經作成傳作盛謂諱魯滅同姓託言降于齊師無論失實且莊八年見滅至文十二年書來奔中

隔七十一年公羊之謬不待辯而自明劉仍以爲重書復解
極當如之謂之何哉

以國氏者爲其來交接于我故君子進之也 申曰紀本微國
無大夫故不稱氏范甯釋傳例曰當國以國氏卑者以國氏
進大夫以國氏蓋謂使若其君自來以著親迎之禮耳然公
羊傳婚禮不稱主人之誼富哉言矣

述曰公羊譏不親迎亦未嘗不欲著親迎之禮也

其不言使何也逆之道微無足道焉爾 申曰傳旣以國氏爲
進之則安得復稱使乎旣云進之安得云無足道乎鄭君以
穀梁精于禮禮本于昏昏禮不稱主人且無傳焉若求其精
安能知之

述曰經書宋公使公孫壽來納幣昏禮顯稱主人乃公羊云無母辭窮以自文其說不過公羊一家之言耳劉乃以繩穀梁不思自魯言之則進之以國氏自紀言之則逆之道微無足道穀梁未嘗自相矛盾也

或曰紀子伯莒子而與之盟或曰年同爵同故紀子以伯先也范甯云紀子以莒子爲伯而與之盟伯長也年爵雖同紀子自以爲伯而先 申曰有是哉穀梁師之迂也君子于其所不知蓋闕如也

述曰兩舉或曰豈非疑事毋質之禮與

諸侯曰卒正也范注正謂承嫡 申曰大小國諸侯卒葬時月日正變條例何君詳之穀梁缺不具范以正爲承嫡并失穀

梁之意

述曰范注之失蒙亦云然見述例諸侯卒葬條何君所詳用力勤矣惜多非公羊本義耳

曰葬故也危不得葬也注傳例曰諸侯時葬正也月葬故也日者憂危最甚不得備禮葬也 申曰公羊詳之穀梁舉一廢百其失則亂矣

述曰穀梁之例卒以日爲正葬以時爲正禮天子七日而殯七月而葬七月則厯三時矣諸侯五日而殯五月而葬則厯二時矣大夫士三日而殯三月而葬則厯一時矣準諸禮而無不合何謂舉一廢百乎

傳曰言伐言取所惡也諸侯相伐取地於是始故謹而志之

申曰昔嘗以爲穀梁者公羊氏之餘緒長于公羊者丁之一

同于公羊者十之二三所謂拾遺補苴者也莊子曰

名述祖余從母

舅詩書夏時義例五經小事多從受之

此公羊義而稱傳曰是其證矣

述曰鄭康成云穀梁在公羊之先所引傳曰以今推之諒爲出自子夏而公羊亦得傳之耳

尸子曰舞夏自天子至諸侯皆用八佾初獻六羽始厲樂矣

申曰其爲尸佞歟則秦相商鞅客也其非尸佞歟不可白也其言禮樂何其逆也

述曰傳引之以廣異義原不以爲定論也

隱不爵命大夫其曰公子疆何也先君之大夫也范注掇無佞卒不稱公子申曰無佞卒傳或曰隱不爵大夫也或曰故

貶之也。俠卒傳弗大夫者，隱不爵大夫也。曰不成爲君也。接
隱弑賊不討，不書葬以無臣子，故會盟皆不致其已卒必卒
之者，託賢君行恩禮于大夫。弼命大夫書曰：書氏俠未命，不
日不氏皆正也。無佞命矣。據帥師公羊例，將卑師眾稱帥，將尊師眾稱某帥。師不日不氏，故貶之也。益師命矣，氏而不日，違也。穀梁以爲惡，非是見難篇。曰不爵
命曰先君之大夫，傳之者過也。禮豈不臣先君之大夫乎？

述曰：劉云，隱弑賊不討，無臣子。今弼稱公子，則是有大夫也。
且何注以有託王于魯，謬說凡于經文實事皆百計託之，使
虛此亦云託賢君行恩禮，亦未免誤用其心思已夫。弼稱公
子先公之子也，不可曰先君之大夫乎？

其不言逆何也？逆之道微無足道焉。爾范注，媵不與嫡俱行，非

禮也逆者非卿 申曰易曰歸妹愆期遲歸有時待年可也
禮無聘媵之道況卿逆乎傳不別嫡媵槩曰無足道失之范
据莒慶言逆不知莒慶齊高固皆自爲逆故經不言女言叔
姬以見大夫外取之非禮且明諸侯嫁女于大夫不自爲主
之禮范并失傳意

述曰范失傳意是矣夫嫡媵本宜偕行今卽後行紀當無有
不來逆者但微者爾傳故不然

滕侯無名少曰世子長曰君狄道也其不正者名也 申曰此
緣秦俗匿嫡經不書名而誤解也滕在所傳聞世變文稱侯
書卒以其子來朝故本微國故未能以其名通凡書卒明赴
辭以春秋當新王曰某侯某正也赴于他國之君曰寡君不

蘇不名也聖人于二王後及同國敵者書其名以見法宋公和蔡侯考父是也于微國存其舊以見正滕侯宿男是也方進之以次國之封何嘗責其用狄道乎

述曰滕爵書侯而公羊謂之微國爲之說曰貴賤不嫌同號其爲遁詞已見何注緣而飾之劉更張而大之以非穀梁難將一人手掩盡天下目也

宿微國也未能同盟故男卒也 申曰正以其同盟而得變例書卒不進爵者未能朝聘也若未能同盟而樂得書卒于所傳聞世則不勝書矣或前傳宿邑名也邑爲國字之誤或四字後人所增則此云未能同盟故男卒者謂僅與微者盟未能與公盟故不得進爵斯近之但同盟不如來朝亦不得進

爵楊士勛證前盟宿爲邑名此乃爲微國恐穀梁雖廢疾尙不至此

述曰就如劉言滕微國舊史本不書卒孔子因其子子隱十一年來朝而特筆卒之舊史隱十一年亦但書滕子孔子因其來朝而特筆侯之且併其父卒而亦侯之驟進二等竝褒二代以是爲託王于魯之意然也然乎不然乎曰公羊之意本不然也公羊以微國釋滕侯之不名而又恐微國之無解于稱侯也則曰貴賤不嫌同號而已至宿男卒并無傳乃何注緣而飾之劉更張而大之以非穀梁由滕侯并及宿男而不知併非公羊本義也

外盟不日 申曰于例不通

述曰義見述例外盟篇

月葬故也 申曰非故也正也以爲故經當有起文穀梁傳卒葬時月日不別大國小國亦不察經文前後事實于例大亂于辭多不可知安得爲善于經乎

述曰何氏之例卽別大國小國亦未嘗不亂亦多不可知卽以滕與宿言之同爲微國而滕侯卒不日宿男卒書辛亥何注亦未嘗較日與不日之所以然也若穀梁之說則滕侯以用狄道故不日何亂之有月葬故也對時葬之正而言當文自見

可言公及人不可言公及大夫 申曰徒据經文言之其義例未著也盟非會也名列載書春秋託以張貶文公及大夫則

貶從大夫莊二十二年丙申及齊高傒盟文二年乙巳及晉
處父盟七年公會諸侯晉大夫盟于扈是也公及人則貶從
人此公及莒人莊四年公及齊人狩是也此因輸平爲不死
難辱及一國之貶文若莊九年公及齊大夫盟成二年丙申
公及楚人秦人等盟別有起文以見正也

述曰別有起文例卽未免于亂傳據經文此穀梁所以爲善
于經也

聘諸侯非正也 申曰范注云周官時聘以結諸侯之好許慎
云禮臣病君親問之天子有下聘之義傳曰非正甯所未詳
述曰范甯不知古義公羊舊說亦云天子無下聘之義見述
例聘篇

隱之不爵大夫何也曰不成爲君也 申曰俠爲未命大夫春秋假以明士喪禮君有弔臨諸事耳穀梁槩以成公意爲說則桓十一年之柔莊三年之溺不可通矣

述曰柔自未命俠自不命若溺則貶也義各有當也公羊槩以爲未命則莊三年會讎之義不見矣

內不言戰舉其大者也注戰然後敗故敗大于戰 申曰穀梁不傳託王之義故知內不言戰而失其說若此類辭多近公羊而意甚遠所謂彌近理而大亂真也

述曰穀梁內不言戰爲尊者諱也故爲內諱敗亦曰內不言戰前後義例謹嚴公羊以春王爲文王遂啟注家託王謬說而劉反恐穀梁之亂真烏乎託王耳真云乎哉久假不歸矣

日入惡入者也。鄭國也。申曰：惡入之義，不待日而著也。入經于滅其例，時月而已。鄭爲同姓，隱之篇再見入者，故加日。何君詳之。

述曰：穀梁之例，入者內弗受也。同爲內弗受而自入者，言之則有惡有不惡，故有日有不日。何謂不待日而著耶？

值言同時也。累數皆至也。申曰：滕薛實微國，故同日受之于廟，與穀鄧異文，著加侯之爲封建文質法也。范本傳意謂穀鄧同時來不俱至，是何說乎？

述曰：穀鄧至有先後，滕薛至無先後，故穀梁云然。若劉說且非公羊本義，況經乎公羊云其兼言之何微國也？夫滕薛不微于穀鄧，穀鄧何不兼言乎？如劉說當云滕薛同爲侯爵，故

同日廟受穀伯鄧侯晉異故不同日廟受然此乃左氏爭長之義也

元年有正所以正隱也注明隱宜立 申曰建始之義所包甚大正隱之讓亦得兼之以爲宜立則當書公卽位矣

述曰隱不行卽位之禮而其宜立則于元年有正見之此穀梁之善于經也劉以實不行者而云宜立則當書想其說公羊大率類此耳

隱公篇

桓無王其曰王何也正與夷之卒也 申曰與夷之卒不待正也桓之弑不著正督以例桓也

述曰正督例桓公羊併無此說乃劉說耳劉亦未明穀梁之

例穀梁正不正之例最嚴督之惡不可云正之當云治之傳云元年有王所以正隱也又元年有王所以治桓也治者治其不正正者不待治也此春秋所以一字不容假也惟與夷非以不正見弑故此年書王以正之

父字諡也 申曰以字爲諡安得此言諡衍也

述曰段玉裁經韻樓集云或曰少牢注云大夫或因字爲諡此何說也曰其說在左氏穀梁氏矣左傳隱公七年無駭卒羽父請諡與族公問族於眾仲眾仲對曰天子建德因生以賜姓胙之土而命之氏諸侯以字爲諡因以爲族公命之以字

字

句絕之字依少牢注補

爲展氏按眾仲以諡族合一之理對公諸侯

之於大夫命其以字爲諡又命以諡爲族然則族於諡卽族

於字也春秋大夫氏於字者皆以字爲諡者也無駭公子展之孫展其字也展之卒在春秋前當以展爲諡矣故于此卽命以爲氏也今本史記集解引鄭駁許五經異義作諸侯以字爲氏氏乃聲誤耳而朱晦翁陸貞山傅士凱顧亭林陳芳林皆是此誤字謂作諡有誤如其言則鄭云族者氏之別名左傳旣云爲氏矣因以爲族四字不成贅語乎魯哀誅孔子曰嗚呼哀哉尼父注云誅彙其行以爲諡也尼父因且字段氏且字以爲之諡夫仲尼字也單言尼父且字也以且字爲諡則孔子諡尼父矣其子孫雖氏尼可也子思不氏尼者公命以尼爲諡未命以尼爲氏也孔子諡尼矣故漢封孔子爲褒成侯追諡孔子爲褒成宣尼君不敢捨尼爲諡也春秋經宋

督弑其君與夷及其大夫孔父穀梁傳曰孔父字諡也字諡
云者謂以字爲諡孔子固氏於祖諡也今本穀梁作孔氏父
字諡也衍一氏字尙可通乎今人但知氏於字而以字爲諡
之體鮮有知者杜注左傳失其句絕諸侯以字爲句爲諡因
以爲族爲句不學之過也穀梁曰孔父字諡也又曰南氏姓
也句例正同氏姓者以氏爲姓 今案孔父字諡也當從段
說以上氏字爲衍不得如劉說以下諡字爲衍也劉墨守何
注未及博攷三傳師說故云然

或曰其不稱名蓋爲祖諱也孔子故宋也 申曰禮無諱遠祖
之事且春秋非孔子家乘傳習故宋之文而不考其義爾
述曰何注以孔父不名爲賢夫仇牧荀息皆賢也又何以名

乎恐制亦不能爲之說也邇非難舉乎

于內之惡而君子無遺焉爾 申曰于桓可也于內不可也

述曰成弑逆之亂惡莫大焉卽非弑逆如桓者亦應無遺也
朝時此其月何也桓內弑其君外成人之亂於是爲齊侯陳侯
鄭伯討數日以賂己卽是事而朝之惡之故離而月之也

申曰此緣元年滕子來朝貶善本爵七年穀鄆來朝貶去秋
冬十五年邾牟葛來朝貶字稱人之義而誤解也紀子稱侯
朝例變書月何氏詳之范以滕侯稱子紀子稱侯爲時王所
進細則禮樂征伐自天子出春秋何爲作乎

述曰何注稱侯者天子將娶于紀與之奉宗廟傳之無窮重
莫大焉故封之百里信如何言是封建又自周天子出也

桓無會而其致何也遠之也 申曰遠之非也隱亦與戎盟唐何以不遠之也何氏詳之桓無會當云桓會不致

述曰隱非不遠之也但自不致爾桓多會而云無會猶之現致而云無致皆所以治桓也

平而修戎事非正也其日以爲崇武故謹而日之蓋以觀婦人也 申曰農隙講武正也邵解平爲不因田獵而修之非正于卦氣大畜當秋分前五日日曰閑輿衛言治兵不必因秋田也非崇武失經意觀婦人恐并非魯志

述曰爻詞周公所作曰閑輿衛乃周公之言非孔子言也至卦氣更流於讖緯矣劉不信周禮而信卦氣之說徒取其便于己耳

兩下相殺不道 申曰兩下相殺則竊弄威柄無君之禍亟矣
不道是前有讒而不見後有賊而不知也穀梁不著大夫相
殺稱人之例而以稱人爲殺有罪與討賊同文不知有罪無
罪從葬別之得爲善于經乎

述曰罪莫大於弑君故殺有罪稱人與討賊同文此不刊之
例也

其不言使焉何也不正其以宗廟之大事卽謀于我故弗與使
也 申曰不傳昏禮不稱主人則與逆之道微之言皆警說
矣使魯爲媒何不正之有

述曰宋公使公孫壽來納幣經明有稱主人者公羊以無母
釋之此一家之言耳穀梁以爲下遂逆于紀不復反命故不

正其以大事卽謀于我也

桓無王其曰王何也正終生之卒也 申曰何氏云十年有王者數之終也得之

述曰公羊並不知有桓無王之義何注襲穀梁大義而小變其說劉反是何非穀梁曷不思飲水知源之義乎

今立惡而黜正惡祭仲也 申曰惡祭仲則何以不貶而反稱字乎子曰可與立未可與權唐棣之華偏其反而春秋之賢祭仲孟子之述伊尹豈易爲守經者道哉

述曰鄭康成以微子比衛侯之弟專劉譏其僂不于倫何注以伊尹比祭仲豈其倫哉仲之爲字爲名論終未定要不如孔父之確爲字也祭仲之惡千秋自有公論豈穀梁子一人

之私惡哉

鄭忽者世子忽也其名失國也注其名謂去世子而但稱忽

申曰出奔之爲失國明矣不必稱世子而見也稱世子則備
崩殯忽矣是蔡友忽矣稱子忽是杞伯杞子忽矣

述曰傳以下忽復歸于鄭稱世子此不稱世子故明之

柔者何吾大夫之未命者也 申曰此公羊傳也于傳例不合
未知何時入之

述曰此劉敘所指爲俗師附益者也豈知穀梁條例足以包
公羊何用取以入穀梁哉

非與所與伐戰也不言與鄭戰恥不和也於伐與戰敗也 申

曰公羊子曰嫌與鄭戰故先舉伐是也及者內爲志也鄭師

不言敗從內也范釋傳略例偏戰日疑戰月

疑魯人語
詐齊人語與公

羊同若與鄭不和而戰當去結日文

述曰公羊謂此與宋戰穀梁謂與鄭戰要皆偏戰也夫與鄭不和何以見其必爲詐戰耶

來盟前定也不日前定之盟不日 申曰來盟何以爲前定乎

傳曰聘而言盟者尋舊盟也尋舊方可云前定何以皆日乎盟例時月日公羊何氏若網在綱矣

述曰公羊成三年傳云聘而言盟尋舊盟也此自公羊例爾穀梁則內之前定之盟謂之莅外之前定之盟謂之來皆不

日其聘而求盟者

見成三年

爲後定故日其例亦若網在綱矣

御廩之災不志

范注以其微

此其志何也以爲唯未易災之餘而嘗

可也志不敬也 申曰周公皇祖在天不饗大動以威曰作
丕刑于朕孫其與鼯鼠食郊牛何異非亂敗如桓故罕見之
見無有不謹而志之者不知天命以變爲常安得此亡國之
言乎事天如事親也事亡如事存也不順乎親雖日用三牲
之養猶爲不孝也徒緩其期而易之粟神其不吐之乎穀梁
所爲敬君子譏其不知務矣

述曰御廩之災既不若西宮災之爲禰廟又不若桓僖災之
爲遠廟竝不若雉門及兩觀災之在公宮故可不志爲嘗志
也暫時祭亦不志以未易災之餘而嘗故兼志之如公羊說
御廩災不如勿嘗而已矣當如猶三望之例而經不書猶嘗
則公羊之說非也

知者慮義者行仁者守有此三者備然後可以會矣 申曰此古訓與不責坊淫之法不示篡弑之戒不申復讎之義引喻失當愛其輕身甚哉其蔽也

述曰劉氏所云三者知義仁足以包之且穀梁於隱桓俱述此訓所以爲萬世法非專爲一人言也何蔽之有

桓公篇

紀國也邢鄆郡國也或曰遷紀于邢鄆郡注此國以三言爲名申曰不傳復讎之義不知特變之文不辭孰甚焉

述曰於餘邱以三言爲名邢鄆郡亦以三言爲名何不辭之有上不言及下不言于者以經有脫文故兩解之

以鄆事齊也入者內弗受也 申曰是變出奔言入也傳以常

例言之孟子所謂執一也是以地叛也何以氏紀季平以地
叛之他國者曹公孫會言出奔宋以自鄆也舍是不書矣此
何以書乎宜問不問其廢疾矣

述曰左氏云紀于是乎始判與穀梁同至復讎之說公羊一
家之言乃欲強人從之不亦誣乎

治兵而陳蔡不至矣 申曰失經意甚焉

述曰但與公羊何注說異爾遽謂之失經意乎

大夫不名無君也注君前臣名齊無君故大夫不名 申曰不
名使若偏受盟也以無君故不沒公可也不名大夫何哉范
以君前臣名解之豈以鄰國之君非君乎糾不言子則不嫌
于齊大夫仇矣

述曰盟于暨齊大夫無空國徧至之理使若云者不其失實乎

遷者猶未失其國家以往者也 申曰旣曰亡辭曰不得見又曰未失其國家以往其辭枝矣由不別遷與遷之爲兩例也 述曰范注謂自遷者兩例可知

次止也畏我也 申曰畏猶威也方合書外次義以桓三年莊三十年傳有畏例之則此不別外內非也

述曰畏我可也威我不可也徒以別外內之故而欲使內受制于外可乎且凡次皆爲有畏又何煩別外內乎

州不如國國不如名名不如字 申曰脫氏人子三等春秋設七等以進退之文不具矣

述曰七等自在經文殺梁略舉之以見例所以爲簡而該也
且專于此言進退幾於舞文矣

不言公外內察一疑之也注魯與齊營外內同一疑公可事齊
不會不書公以著疑焉 申曰內不出主名微者也傳失其
例如以魯宜警桓則前柯之盟後幽之盟何爲出公平

述曰公且不營襄何更營桓春秋因諸侯之疑而見正焉故
于此沒公也若如劉說諸侯之君俱在同欲尊齊爲伯公既
不往又不使大夫往而但命微者往會非人情無是理也

人者眾辭也以人執與之辭也 申曰宋執祭仲齊執濤塗傳
以爲貶爵稱人今以爲與辭其疾在不傳稱人稱侯之別故
自亂其例

述曰公羊僖四年傳執者曷爲或稱侯或稱人稱侯而執者伯討也稱人而執者非伯討也今案公羊以陳袁濤塗辟軍之道齊桓執之明明伯討乃經不書齊侯而書人公羊又謂齊桓不修其師是襲穀梁貶爵稱人之例矣然則公羊雖傳稱人稱侯之別亦未嘗不自亂其例也

此謂狎敵也 申曰與遂得殺之非譏齊狎敵

述曰穀梁上云其猶存遂也是與遂得殺之下云此謂狎敵也是兼譏齊言簡義該如此

賤淺事也不志此其志何也辟要盟也以輕事遂乎國重無說不日數淪惡之也 申曰書賸書遂要盟乃著何云辟乎傳之疾正在無說而強爲說耳不日非惡結淪盟正以齊宋之

不信著結爲國殺患春秋常于嫌不得者見其得也

述曰遂者繼事之辭耳公羊必曰大夫無遂事劉之此申凡以發明此句也穀梁之說較爲直截可從

赤蓋郭公也何爲名也禮諸侯無外歸之義外歸非正也申曰名赤而倒郭公于下著其盜國也若外諸侯相奔安得言歸孟子曰諸侯失國而後託于諸侯禮也安得云非正

述曰公羊云赤者何曹無赤者蓋郭公也郭公者何失地之君也公羊明云曹無赤乃何注云使若曹伯死諡之爲郭公而赤微者自歸曹也忽分赤與郭公爲二而曹又有赤顯背公羊說已岐矣至劉又云著其盜國以郭公而盜曹國失地于郭得國于曹而經爲之書歸則岐之中又有岐焉世有楊

朱當爲之痛哭劉又誤解外歸之義見述師說徐乾注

用牲非禮也 申曰此緣用者不宜用之例而誤解也如其說

當云鼓于社用牲

述曰左氏亦云凡天災有幣無牲知非穀梁一家之言矣

其不言逆何也逆之道微無足道焉爾 申曰親迎恆事不志

不親迎于紀履綸一譏焉爾此不卒蓋無服書歸者爲公會
于洮起文

述曰何注會洮云伯姬不卒者蓋不與卒于無服女徐疏曰
嫁於大夫者則不服而下杞伯姬來疏云卽上二十五年夏
伯姬歸于杞者是也非謂此年春公會杞伯姬于洮者是疏
以此歸于杞之伯姬爲公女會于洮之伯姬爲公姊妹乃二

人也劉乃台爲一人豈未見公羊疏耶卽曰其說不可從亦當先駁公羊疏而後及穀梁傳況穀梁傳并無可駁也

言大夫而不稱名姓無命大夫也無命大夫而曰大夫賢也爲曹羈崇也 申曰天子能命列國大夫春秋可不作矣曹羈名而不氏命乎非命乎國亡君出何賢臣之眾乎

述曰公羊云爲曹羈諱穀梁爲曹羈崇一也但公羊之大夫則眾中有曹羈穀梁之大夫則專指曹羈禮小國二卿皆命于其君傳卽不分大國小國然亦安見其必謂命于天子耶內齊侯也不言使內與同不言使也 申曰實齊侯自來安得言使乎書以志齊侯之驕我我魯之自夸因以張王文也 述曰經書獻捷卽齊侯自來亦豈親獻固必有使矣公羊以

爲戚我知斷無託王之說劉乃改爲嚙我如見其肺肝矣

子卒日正也不日故也有所見則日。申曰子赤之故亦有所見何爲不日數繫不傳張三世之義失之

述曰子赤之故不日已見此書子卒之始見其非以不正見弑故加日以正之

盟納季子也 申曰季子在魯不在齊也望文生義妄也

述曰左氏傳亦望文生義邪

不言使何也不以齊侯使高子也 申曰豈君臣之義乎

述曰公羊成二年亦云君不使乎大夫

莊公篇

述曰盟納季子以下乃閔公元二年事今劉曰莊公篇是不

戰閔公也

惡公子之貽 申曰傳例疑戰不日此書壬午知非惡貽江熙云傳或失之

述曰疑戰者不約戰日此書壬午明約戰日矣約戰日而不用士卒二人相搏故經書獲傳惡貽乃江熙不信相搏之說故非傳而范從之楊疏已云乃是范失非傳失矣

或曰爲齊桓諱殺同姓也 申曰如爲桓諱當于薨夷時去姜述曰薨夷時書齊人以歸傳例以者不以者也見不與齊桓以殺也至此仍爲之諱傳云或曰原非定論也

其不言使權在屈完也 申曰公羊云尊屈完以當桓公也

述曰春秋嚴內外之防尊屈完名不正也穀梁謂權在屈完

而卽斷之曰則是正乎曰不正大義凜然矣

于師前定也于召陵得志乎桓公也得志者不得志也 申曰公羊云再言盟喜服楚也

述曰公羊云卒怙荆以此爲王者之事也張皇太過穀梁得進退之宜矣

不言其人及之者何也內師也 申曰傳不傳內微者不出主名之例意以內師不可及外人非也

述曰文承齊人執濤塗之下故發此傳若據不出主名之例遂以同盟于幽不出公爲內之微者辨見前

有二事偶則以後事致後事小則以先事致其以伐楚致大伐楚也注鄭君云會爲大事伐爲小事今齊桓伐楚而後盟于

召陵公當致會而致伐者楚彊莫能伐者故以伐楚爲大事
申曰致會致地致伐之例何氏詳而不亂矣鄭彊分會大
伐小又云公當致會皆誤按此條當是釋廢疾文難曰致伐
者示楚未服也如以伐楚大之未有大其能伐而不大其能
服者如大服楚則當如蕭魚致會也

述曰公羊云楚已服矣何以致伐楚叛盟也今案楚子叛盟
于何見之乃何注云爲桓公不修其師而執僇塗故也影射
已甚且楚之未盡服穀梁于盟時已見之故云齊桓之得志
僅矣劉乃云未有大其能伐而不大其能服者是譬說也

病鄭也著鄭伯之罪也 申曰書逃歸則鄭罪已著此非也責
以力服人所以彊伯義

述曰逃自當伐何又責伯者以力服人乎書罔以甚鄭伯之罪耳

其不以救許致何也大伐鄭也 申曰下書齊人伐鄭則鄭未服也不大救許反大伐鄭慎矣

述曰但以罪之當討大之不論服與未服也以尊內也

宋其稱子何也未葬之辭也 申曰未葬當稱子某此爲桓諱故不書葬而變文也

述曰宋公禦說卒公羊曰何以不書葬爲襄公諱也劉易之云爲桓會故不書葬而變文輟轉附會不憚易其本義往往如此

其君之子云者國人不子也 申曰未葬之稱也不正于不日

著之矣

述曰其君之子他處不再見則特筆也故穀梁云然不得以未葬通稱子某例之

稱國以殺罪累上也 申曰傳例以稱國以殺爲殺無罪此云罪累上自亂其例平鄭父之罪不著一例解之非也著夷吾之篡故不去大夫不從討賊言之非惡夷吾以私殺也

述曰此與里克同里克傳云其以累上之辭言之何也其殺之不以其罪也仍與殺無罪之例未嘗亂也

諸侯時卒惡之也 申曰不別大小國失之

述曰經本不別大小國故卒葬一例書之日卒爲正則時卒不正故曰惡之也詳見述例諸侯卒葬篇

日事遇朔曰朔春秋三十有四戰未有以尊敗乎卑以師敗乎人者也 申曰遇朔曰朔何以僅一見乎楚自入僖公篇可以漸進稱爵而僅于雩之盟一見非進之也見執宋公之貶文也自後終僖之篇貶之此泓戰實楚子非以尊敗乎卑師敗乎人也

述曰此泓戰實楚子于何見之日事遇晦曰晦遇朔曰朔此自常例乃成十六年甲午晦晉侯及楚子戰于鄢陵穀梁左氏同乃公羊分晦與戰爲二云記異則畫晦也此但一家之說耳

倍則攻敵則戰少則守 申曰春秋惡戰之書非言兵之書

述曰此公羊賢宋襄之說所引申也春秋卽惡戰豈倖敗乎

道之貴者時其行勢也楊士勛疏老子至道之人猶曰以正治國以奇用兵 申曰三代用師之意孟子荀卿傳之穀梁以功利言道蓋戰國之學也

述曰穀梁荀卿之師也劉不知此宜有是言

不正其以惡報惡也 申曰不推人危不攻人厄不鼓不成列以爲信而不道功利之見也伐齊定亂宋公無惡文齊乘敗取利亦非報惡也誤以爲惡何以辨是非何以治人

述曰劉方云春秋惡戰之書乃于宋襄之戰不惟不之惡而反固與之可知其爲公羊一家之言非春秋之旨也

公之追之非正也 申曰以禦寇爲非正失之

述曰寇已退矣無待禦也而復追之以爲非正春秋惡戰之

旨也

再稱晉侯忌也 申曰稱侯非貶文也

述曰經不書晉侯侵曹遂伐衛而再稱晉侯故穀梁云然

先名後刺殺有罪也 申曰言不卒戍則罪狀著矣不在先名也此蓋諱助楚戍衛壅遏晉兵故辭繁不殺使若戍爲善文傳者俱失之

述曰何注內殺大夫例有罪不日無罪日亦可以對說駁之言不卒戍則罪狀見矣不在不日也下更迂曲不可從

公子啟曰不卒戍者可以卒也注公子啟魯大夫疏舊解云子啟卽公子偃啟書日者無罪今買書時是有罪也今觀上下文勢理恐不然 申曰范注非也舊解近之傳文當有不日

何也四字在不卒之上公子偃日四字乃舊注傳寫誤脫傳文四字而以注文四字磨入之

述曰此劉敘所指爲經本錯迂者其謂舊解近之者徒以舊解用公羊何注說耳遂謂傳文脫不日何也四字而以公子偃日四字係舊注鑿鑿如見不亦妄乎

入者內不受也日入惡入者也以晉侯而斥執曹伯惡晉侯也其曰人何也不以晉侯界宋公也申曰不著稱侯之義非也何君詳之

述曰公羊以稱侯爲伯討此時晉之伯未著也又曰曹伯甚惡不可以一罪言則下又何以復歸于曹遂會諸侯圍許乎乃何注又謂其能悔過從伯者征伐委曲彌縫徒形仿張耳

稱國以殺罪累上也 申曰徒以元咺與里克同文難與辨是非矣

述曰穀梁之是非不繆于經故鄭康成獨許其善于經也劉謂難與辨是非誰其信之

以算遂乎卑此言不致叛京師也

見雞篇

申曰此緣成十三年

經說公自京師遂會諸侯之義而誤解也

述曰本成十三年經義而說爲不叛京師其義正矣何誤解之有餘見前

不言戰而言敗何也狄秦也 申曰穀梁經本秦下誤衍師字

以致失問經言敗某師者鼠矣非狄文也以此知鄭氏六菽論稱穀梁親受子夏釋廢疾稱作傳先于公羊皆意說也

述曰如劉乃意說也狄秦之說公羊亦同穀梁卽誤衍一師字并未大背狄秦之義

僖公篇

日昃之卒所以謹商臣之弑也 申曰于例失傳于文不辭述曰楚以夷狄漸進于中國故以本不日者兩日之蔡以中國漸及于夷狄故以本宜日者而不日義可互證劉于蔡弑其君固之下嘵嘵不已惜無以此告之者

內大夫可以會外諸侯 申曰傳無託王之制其失多亂又不別會盟尤非此云內大夫可以會外諸侯意若云尊內也不張王義則王道亂矣且非也公與外大夫會書無貶辭此當是經師家言君不會大夫內大夫可以盟外諸侯以經多謬

公與外大夫盟也然于義春秋惡盟王臣體國義亦不得與諸侯盟于首戴微示之故公羊師說不言內大夫可以盟諸侯也

述曰託王之說乃亂之甚者穀梁但尊內故云然若亦託王則傳例王臣無下聘之義轉不可會諸侯矣劉未悉穀梁之例徒費詞爾

其曰婦姜爲其禮成乎齊也 申曰不傳譏娶乎大夫之義其辭枝矣

述曰徐邈注穀梁亦用公羊下娶之說楊疏駁之曰天子得下娶諸侯何爲諸侯不得下娶大夫是公羊之言不可以解此也

不正其再取故謹而日之也 申曰不以日月加于伐邾之上者知公羊之義爲長若譏再取前書時此加月足矣取郕取防自以一月再取著之不足以難也

述曰公羊云使若他人然今案他人之取邑如莒人伐紀取牟婁宋人取長葛之等亦從無書日者是豪無引證也穀梁之說猶可引取郕取防爲證較公羊爲長

稱人以殺誅有罪也 申曰鄭釋廢疾又以不名爲無君皆游辭也誤緣傳例兩下相殺不道楊士勛謂兩下相殺不得言其不知臣下相殺亦責君失馭如射姑殺處父并稱國是其義也

述曰兩下相殺不得言其楊疏之說大義凜然洵足羽翼傳

文發明經旨

卑以尊致病又公也注以君禮致刺公寵之過 申曰傳失致

夫人之說而分尊卑非一體之義也徐邈

說見疏

不從逆婦姜

傳以公羊義言大夫女稱夫人以病公則此傳當發于夫人
姜氏如齊而破致爲稱亦非也

述曰易云地道也妻道也臣道也又云天尊地卑知穀梁之
說直上接孔子之言矣

不言帥師而言敗何也直敗一人之辭也 申曰將尊師少稱
將通例也何氏以甲午及狄文起問得之

述曰公穀同云兄弟三人一者之齊一者之晉則之魯者別
無黨類可知故云直敗一人之辭

古者不重創不禽二毛故不言獲爲內諱也注旣射其目又斷其首爲重創 申曰刑不并致可也以殺敵致果爲諱則宋襄之爲矣

述曰宋襄公羊所探許者也劉治公羊罪以易三傳豈以爲非是而不貴也今乃曰則宋襄之爲知其甯叛公羊不叛何注矣何注多出於公羊之外也

至城下然後知何知之晚也 申曰以此貶卻克設納事成反得不貶乎經于弗克納著大夫不得專廢置君之義于克納著誅亂之文趙鞅是也

述曰經書晉人貶晉君也傳斥卻克貶卻克卽貶晉君也設納事成則貶之愈甚矣公羊以爲大夫不得專廢置君豈卻

克不率晉君之命而專兵柄乎如奉君命在卻克意中未嘗不自謂誅亂可著于春秋及至邾之城下然後屈于立長之義故曰何知之晚責其不早達之晉君也卽其還也穀梁之義猶必壇帷復命于介故經不書乃還專廢置君卻克能受此貶乎

其以官稱無君之辭也 申曰以高子爲不以齊侯使之以華孫爲無君之辭皆不得其說

逮曰公羊此經下無傳何注以內娶說之亦一家之言耳左氏傳且以書司馬爲貴之劉能盡紬之以崇何注乎

不言及者以國與之也 申曰來盟安得言及無君之人而以國與之得不爲大惡乎不諱何也

述曰來盟從無言及者此二句疑爲衍文不敢強爲之說

文公篇

此其地何則著其美也 申曰貶盾言師者惡盾執諸侯之權
遂得專廢置也以爲大其事著其美于辭枝矣

述曰伐鄭所以救陳故書會之地以美之春秋不豫逆人之
惡方書救陳而又惡其執諸侯之權遂得專廢置是逆探下
經弑君之惡而言反置救陳之舉于不論矣

穿弑也 申曰不傳復見之例則史文而已

述曰春秋豈有意與史文爲異哉卽公羊復見之例不過明
盾之不討賊耳穀梁不傳此例而不討賊之義具見亦何害
也况弑君之不復見者止宋督鄭歸生齊崔杼三人餘多復

見者公羊及何注異說紛紛適形辭費耳

不肯者可以肯也 申曰以文爲實不辭甚矣

述曰公羊文實之例幾等春秋于舞文之吏先儒非之者多矣

不正其接內故不與夫婦之稱也 申曰大夫來取不得以體國言歸故別于君不親迎文譏外取當文見矣注以爲與君接昏恐并失傳意

述曰隱二年九月紀履緌來逆女冬十月伯姬歸于紀此嫁于諸侯者今叔姬嫁于大夫故不書歸乃經亦不書逆女而書齊高固來逆子叔姬故傳云不與夫婦之稱也劉謂不正其接內爲譏外取以非范注則當矣

爲使來者不使得歸之意也注杞伯姬來不言所及是使得歸之意 申曰爲使來不可知之辭不使得歸近之矣不著夫婦之別不察來歸之例則似是而非也

述曰譏無別亦當文見矣

此帥師也不正其敗前事故不與帥師也 申曰傳例將尊師少稱將此自亂其例楊士勛曲解之非也

述曰將卑師眾曰師見隱五年衛師入郕傳通檢穀梁無將尊師少稱將句此楊士勛以意推之耳今劉獨據此句以相難蒙譏其人穀梁未深不于此益信乎

其曰未踰竟也 申曰例亂不可理矣

述曰說見述例諸侯卒葬條下

不言來公如齊受之也 申曰非也如其說當移至文于下言
我何也

述曰此先致公而後書歸弒梁有例矣成十有七年十有一
月公至自伐鄭壬申公孫嬰齊卒于狸蜃傳十一月無壬申
主申乃十月也致公而後錄臣子之義也是其例也劉于穀
梁入之不深宜有是言

日其事敗也 申曰旣傳疑戰不日則亦知偏戰者日矣又云
敗績書日不知敗績者偏戰文日在戰不在敗也

述曰日其戰則敗或不見日其敗則戰自見傳特於此發例
凡偏戰皆可該也互見評齊考證篇卷十二下

外平不道以吾人之存焉道之也 申曰卽如其說當移夏五

月文于公孫歸父上

述曰何注公羊其前後牽涉者不知凡幾今乃苛羅穀梁不知經非書歸父之反也

矯王命以殺之非忿怒相殺也 申曰不傳大夫相殺之例又不別天子諸侯其失亂矣豈忿怒相殺猶不失爲君君臣臣乎兩下相殺不志乎春秋是股肱胥戕胥虐而心不知也小言破道莫此爲甚三光宣精豈可爲朦瞍道哉

述曰兩下相殺不志乎春秋者不與其專殺也故此云矯王命以殺之而君乃不失爲君矣

宣公篇

夫甲非人人之所能爲也 申曰服虔得之

述曰 闕

或曰口其戰也或曰日其悉也注明二者皆當日 申曰悉當文自見不必日也

述曰悉固當文自見日亦偏戰常例兩引或曰俱非定論蓋仍日其敗也

一戰綿地五百里焚雍門之茨侵車東至海君子聞之曰夫甚甚之辭焉齊有以取之也 申曰如其說經當云遂入齊傳例及者內爲志是又相違矣

述曰但焚其茨耳未得入雍門也

今之屈向之驕也 申曰正以公失其所著嬰齊之驕乃云嬰齊屈服公得其所譬說也

述曰今之屈非嬰齊自屈乃春秋屈之以尊內也固與公羊貶焉之說不異也

以成公爲無譏矣 申曰桓弑隱不敢不以隱序昭穆也祫嘗周公東鄉魯公配焉羣公序下祝以孝告神之聽之天災御廩著矣宣弑赤卽不爲赤廟不敢不以赤附于僖也宣廟成祫禘與赤同序昭穆焉祝曰曾孫某薦大事于皇祖周公王考某甫王考宣公神保是饗不喪七世雖無祖可也無天可也明哉明哉生也不辰謂之何哉以春秋之義決之曰蔡世子友誅君之子不立非怒也無繼也曰邵世子巫雖揚父之惡救國之滅可也是子也畏天之命致國天子天子爲之擇周公之後而相廟旣毀祫不序焉宣廟旣燬主不立焉斯爲

救災以實爾無譏云乎哉

述曰何此注象宜公篡立當誅絕不宜列昭穆成公幼少臣
威大重結怨彊齊將不得久承宗廟之應劉乃張而大之并
不從其成公幼少之說其實公羊傳亦云廟災三日哭禮也
則亦以成公爲無譏也

不日何也高者有崩道也 申曰不日起壅河三日山崩大異
以爲常乎

述曰壅河三日經無其事何所起乎況壅河三日尤當書日
以起之何注不可從也如何注當梁山日沙鹿不日

郭國也 申曰邾之邑也

述曰上年冬邾子同盟于穀牟此年夏邾子來朝以取郭爲

邾邑吾不信也

致者不致者也婦人在家制于父既嫁制于夫如宋致女是以
我盡之也不正故不與內稱也逆者微故致女詳其事賢伯
姬也 申曰三月廟見然後成之爲婦未廟見而死則歸葬
女氏示未成婦也三月之中女而不婦所以教之見微知著
則隱而歸之不以夫人禮行出妻令其可嫁忠之至也廟見
之後乃使卿致聘猶不敢稱夫人從父母辭禮之成也此聘
問常事于伯姬特著之錄貞信之儀則爲父母之榮懷葛覃
草蟲之義也傳執致不宜致之例爲以我盡之不正

注以致爲教戒

之言并失傳意

又以爲不與內稱不知入國稱夫人者邾人之稱異

邾人之稱非父母之稱也

注以內稱爲稱使經例內言如卽使文不書致女于宋安得引古經

子齊之例 又以為逆者微故致女不知宋公來逆從常事不
書也詳不正之事以賢伯姬其詞窮矣

述曰如宋公親迎尤當以賢伯姬故備書之夫納幣致女如
劉說皆常事也且為伯姬特著之豈有親迎大禮反從常事
不書者此劉說之自相矛盾也即經之不書逆知是逆者微
無足道與紀伯姬等同但他女不致而獨致宋伯姬者賢也
則詳不正之事正所以賢伯姬何窮之有與下三媵互見
以伯姬之不得其所故盡其事也 申曰其平皆無失德伯姬
忠貞盡禮得所莫尚焉如傳所云非聖人繫鄰鄘柏舟於二
南之義也

述曰此與上傳互相發明伯姬以不得其所愈見其賢故為

之備詳納幣致女來媵之事十有五年夏六月宋公固卒何
注云不日者多取三國媵非禮故略之秋八月庚辰葬宋其
公穀梁傳云月卒日葬不葬者也此皆其公失德之證卽伯
姬不得其所之證其公之失德在三媵伯姬之失所亦在三
媵而詳之者經以賢伯姬也

不言戰以鄭伯也爲尊者諱恥爲賢者諱過爲親者諱疾注樂
書以鄭伯伐鄭君臣無戰文 申曰若晉納鄭伯而戰經不
當云執鄭伯若樂書以鄭伯伐鄭而戰經當云晉人執鄭伯
以伐鄭而加日文或鄭敗文非也緣經師所傳有爲尊親賢
者諱之說而誤發也疾恥同類故公羊第曰爲尊親賢者諱
而已雍以鄭兄弟之國爲親不知春秋爲所親諱惟魯而已

述曰春秋親魯因推及兄弟之國于理不嫌也前執而此伐之于事亦不嫌也爲以鄭伯故不言戰耳

此公孫也其曰仲何也子由父疏之也 申曰歸父亦仲遂子何以言公孫乎

述曰楊疏已引而釋之矣

以晉侯而斥執曹伯惡晉侯也 申曰以稱人執爲善稱侯執爲惡徒知晉文爲霸而失春秋伯討之義矣

述曰孟子五伯者三王之罪人也春秋明王道何伯討之有月卒日葬不葬者也此其言葬何也以其葬共姬不可不葬共公也 申曰不傳時月日卒葬之例宋不書葬之義失之野矣

述曰穀梁之例諸侯日卒正也月卒故也時卒惡之也諸侯時葬正也月葬故也日葬危不得葬也最爲謹嚴劉未及深悉故云然耳至其公之不葬已于月卒見之卽何注亦云不日者多取三國賸非禮故略之然則何亦失之野歟

君重于師也 申曰是也獲晉侯獲華元傳當是俗師所增

述曰經書楚子鄭師敗績若無鄭師而但言楚子敗績則不辭矣何休據此以難宋襄身傷之說劉又據此以難晉侯華元見獲之說皆非所據而據焉者也

自某歸次之 申曰自者著有力爾非善之次也

述曰能得所寓國之力助卽善之次也

致公而後錄臣子之義也 申曰不傳待命之義則昭在齊何

爲卒媾乎

述曰嬰齊待命之說亦公羊一家之言非可以律穀梁也昭孫于齊永無返期更非所以例成公也

成公篇

其曰衛甯殖如是而稱于前事也注衛侯速卒鄭人侵之故舉甯殖之報以明稱于前事 申曰伐喪非禮以惡報惡甚矣先晉宋主惡也稱甯殖將尊師少之例也

述曰隱一年傳苟焉以入人爲志者人亦入之矣此傳稱于前事亦此志也均以示誠豈許其以惡報惡哉

諸侯盟又大夫相與私盟是大夫張也故雞澤之會諸侯始失正矣大夫執國權 申曰喜服陳也諸侯已盟不得復與袁

僑盟故使大夫盟之與溴梁諸侯不盟而大夫盟者異義此
傳云私盟溴梁傳又云言諸侯之大夫恭也枝矣

案此在宋之盟劉云

溴梁誤

述曰卽喜服陳亦當謹履霜之漸穀梁志失正之始大義凜
然若溴梁之盟正堅冰之至也至宋之盟乃因經書諸侯之
大夫示反正之幾與聖經若合符節恐諸賢不能贊一詞何
論餘子

外不言而言如爲我事往也 申曰不知爲滅郕起文瞽矣
述曰四年公羊傳云定弋者何襄公之母也何注定弋莒女
也無論左氏及穀梁作定嬖固非莒女且莒未聞其爲弋姓
也劉往往以一家之言繩三傳卽非瞽亦狂耳

外災不志此其志何也故宋也注孔子之先宋人。申曰習其文而不得其說猶弗習也

述曰此亦書孔父之義豈黜周王魯卽得其說乎

不致恥不能据鄭也。申曰恥不能据鄭于傳例當致會于公羊例當致伐非也何氏得之

述曰何注惡公服繆姜喪未踰年而親伐鄭今案何說亦未爲得也穆姜書成公之母襄公之祖母祖母暮服禮諸侯絕其則不爲穆姜服矣何注好牽引前後經文此則其謬之顯然者公羊疏云惡其母服未期親自用兵繆謬沿謠一何可笑禮會子問曰三年之喪金革之事無避也者非與子曰昔者魯公伯禽有爲爲之也喪卽爲三年之喪亦不幾也

會又會外之也。申曰不發于成十五年鍾離而誤以吳人卽

人爲不殊吳則習其文而不知其義矣

述曰鍾離之會并無縉人傳明云會又會外之也唯襄五年戚之曾經書吳人縉人殺梁無傳范注縉以外甥爲子曾夷狄之不若故序吳下所以不復殊外吳者以其數會中國故今誤以范注爲傳文又誤以戚會爲鍾離豈惟不深于傳義亦并不檢乎傳文率爾肆譏野哉劉也

稱盜以殺大夫弗以上下道惡上也 申曰公羊例賤者窮諸盜觀左氏此事益信矣范以爲以上下道當言鄭人殺其大夫則傳例稱人爲殺有罪失傳意矣傳以書盜殺爲惡上失政則兩下相殺得不爲失政乎

述曰范注刪一人字但曰鄭殺其大夫卽不至啟劉之議若

兩下相殺而書國殺其大夫是長亂也故范注云不得言其最足破公羊之說劉欲亦以惡君失政解之而兩下相殺之跡反不見矣

取邑不書圍安足書也 申曰十六年圍成十七年圍桃圍防何爲書乎

述曰范注不足書而今書蓋爲下事起今案范意爲下救郕入鄆起也以此推之圍成亦爲公救成起圍桃圍防亦爲同圍齊起如公羊例伐而言圍者取邑之辭則成世爲孟氏邑防世爲臧氏邑未聞爲齊所取又隱五年宋人伐鄭圍長葛六年冬宋人取長葛則伐而言圍其非取邑之辭昭然察矣何爲以伐致也曰與人同事或執其君或取其地 申曰正上

國文之非正文也且以危構怨

述曰卽公羊亦以爲抑齊之亟伐魯則此乃報怨非構怨也齊至是不加兵于魯者七年何危之有且安見同圍齊之實未圍也公羊之說未爲得也

軋辭也其不日惡盟也 申曰此傳屬上軋危也范誤移經鄒水下而解軋爲委曲隨水則不日惡盟爲贅矣

述曰劉說極是然則何爲以伐致也曰與人同事或執其君或取其地軋辭也語氣方完但軋字仍當訓爲委曲言致伐齊者委曲爲邾事之辭也訓軋爲危未免與上數句不貫矣傳軋辭也注軋委曲俱屬上范本原不誤下注隨鄒水言取邾田之多以解經文取邾田自鄒水自字作疏者誤認委曲隨三字爲連文遂并移傳于下耳

其曰正臧孫紇之出也遯伯玉曰不以道事其君者其出乎注
正其有罪必不見容 申曰日者無罪明君于去國之臣有
恩禮也傳引伯玉之言譏紇枉道事君非如慶父之不日爲
大惡也范失傳意

述曰劉說亦是范并未明傳中治字正字之例隱十有一年
曰元年有正所以正隱也桓元年曰元年有王所以治桓也
此正臧孫紇之出與正與夷之卒正曹伯終生之卒同例不
言治也今云正其有罪傳例淆矣

莊公失言淫于崔氏 申曰約左氏爲言非體也范邵併失傳
意

述曰公羊桓十有一年亦載先鄭伯通乎鄆夫人事然則亦

非體也

不忍使父失民于子也 申曰公羊子曰爲中國諱是也

述曰爲中國諱乃何注之言也若公羊之言則在鄭伯髡原
下彼經不書弑以其志從中國故賢之而爲之諱今蔡景旣
書弑矣亦何賢乎蔡景而何注云爲之諱乎公羊之例爲尊
者諱爲賢者諱爲親者諱未聞通爲中國諱也若穀梁之例
爲親者諱疾鄭固兄弟之國見成公篇蔡亦兄弟之國故傳云不
忍使父失民于子也

襄公篇

慶封弑其君而不以弑君之罪罪之者慶封不爲靈王服也不
與楚討也春秋之義用貴治賤用賢治不肖不以亂治亂也

孔子曰懷惡而討雖死不服其斯之謂與 申曰不傳稱人稱爵之義失之董子繁露篇備矣按繁露爲董子書首篇本名宋本取作大題而改題楚莊王春秋之義以下是非也經師解楚子虔誘蔡侯般之文俗師誤發于此爾

述曰何注以此爲伯討爲義兵是楚靈以弑君之賊竊據大國卽得專此名也春秋不與其殺蔡侯亦不與其殺慶封穀梁引孔子之言非寬慶封正以治楚靈也董子亦覺楚靈之不可與故託之楚莊

暨猶暨暨也暨者不得已也以外及內曰暨 申曰公羊子發會及暨之例明矣傳例會者外爲主則于公會諸侯同盟之文不通及者內爲主以外及內曰暨則于暨宋仲佗及仲佗

之文不通所謂習其文而不知其義也

述曰此并無闕大義不足深辨

國曰災邑曰火火不志此何以志閔陳而存之也 申曰公羊經本襄九年宋火穀梁作災誤也此以國邑別例是以陳爲邑非存陳之義也

述曰陳現爲楚邑書火以著其實也但他邑之火不書于陳獨書之卽所以存之也義本明析劉之好辨豈不得已耶可以與而不與譏在公也 申曰傳以不見公爲譏在諸侯以公不與盟爲譏在公與經意相違

述曰或與公羊之說相違耳未必果與經義相違也

莒無大夫而曰公子意恢意恢賢也 申曰意恢之賢無聞焉

春秋不虛美也盡其親以惡嗣子也

述曰莒嗣子之不孝亦無聞焉春秋不逆惡也且安知非兩下相殺而何注必意爲嗣子殺之乎劉斷從何注吾斷從穀梁

曰弑正卒也正卒則止不弑也 申曰失問甚矣緣蔡般傳不著爲中國諱義也

述曰許止不知嘗藥則爲之著不弑之實爾何待問乎亦何諱之有乎

自夢者專乎夢也言其以貴取之而不以叛也注明曹君無道致令其奔 申曰自非紀季君雖無道以道去君異姓臣之義也專乎地而出奔皆叛也公羊以教讓穀梁以長亂有師

無師之別也

述曰經書自夢不書以夢傳故云不以叛也劉云穀梁以長亂不亦誣乎

東者東國也曰東惡之而貶之也 申曰經本朱誤爲東說者緣經有譏二名之例而誤解也不知經譏二名于內于晉各一見別嫌于貶文而後其義著今以東爲貶是嫌也何以知其非以傳惡蔡之意當文自見不是貶絕也又出奔于例爲絕卒皆不書書莫宜于穀鄧郛邠者以此決之經書蔡侯東國卒于楚則非例也何氏之說左氏之記知不誣矣穀梁俗師所增于此益信

述曰是朱是東各傳所習不必相非也至二名之譏亦公羊

一家之說未必經義本如此也

非國不言圍 申曰于例不通

述曰傳屬言伐國不言圍邑此當是非伐國不言圍以通其例也

昭公篇

先君無正終則後君無正始也 申曰定無正始不繫乎昭無

正終也如定本宜立即位任孔子逐意如雖非受國天子不猶賢于閔僖乎則有正月不書即位可也故子家稱義不可復反而孔子必以元年歸魯且曰叔孫昭子之不勞不可能也

述曰劉欲外昭公則亦季氏之徒也

何以不言滅也欲存楚也 申曰昭王不失國則非滅也

述曰昭王不失國亦從後言之耳公羊亦云君舍于君室大夫舍于大夫室蓋妻楚王之母也此時楚昭何在欲謂之不失國得乎

定公篇

郊自正月至于三月郊之時也 申曰三王之郊一用夏正魯

僭天子故卜從則郊其始蓋以日至

鄭記孟獻子說後則春鄭注郊特牲同

夏秋皆舉之不傳魯郊非禮失之矣

述曰穀梁據當時之禮言之也卽經亦但就當時之制書之魯之非禮則見之于言外而已

卜免牲者吉則免之不吉則否 申曰免牲免牛俱不待卜也

不免牲則誓不郊以爲失禮之中又不敬焉

述曰傳云卜而後免之不敢專也今劉云不待卜不亦專之甚乎

郊享道也牲飲食之道 申曰成十七年傳云非享味也此誤
述曰禮云郊血言取牛血以祭此享道也若味則指一獻熟
之禮言郊不獻熟故云非享味也何誤之有

以輒不受也 申曰曼姑受命靈公得拒蒯聵若責輒拒父則
經書衛侯輒出奔矣此大惑也

述曰經書衛侯輒來奔在獲麟之後哀公之十有六年乃左
氏之經穀梁公羊俱無是也劉乃據之以爲言豈自忘其爲
公羊之徒耶且輒不于此時卽出而必遲至數年亦可見輒

之不受矣

其言來者有外魯之辭焉 申曰諱辭也非外辭

述曰公羊亦云內辭也若使他人然卽外魯之意徒覺詞費轉不若穀梁之直截耳

辭尊稱而居卑稱以會乎諸侯以尊天王 申曰春秋說云吳強而無道敗齊臨晉乘勝大會中國齊晉前驅魯衛驂乘滕薛俠轂而趨則國語所記吳公先歆晉侯亞之已非事實春秋以其僭號故于其葬皆削之而以王上繫天起之其在藩服雖大曰子因吳楚之本爵而著例也

述曰范注雖未盡當而讖緯之書概不攔入亦東漢盛行之後至晉而廢息也今劉向引之以張何邵公之餘歆而國語

不足信穀梁不足信豈知何注雖引春秋說亦必曰使若以
禮義會天下諸侯以尊事天子故進稱子使若云者卽蒙前
所云凡春秋實事必百計託之使虛是也

哀公篇

皇清經解續編卷千一終

江陰馮銘校
丹徒陳慶年